

JU Osnovna škola „Umihana Čuvidina“



Broj 34.

Ađul

Uspjesi se nižu...



Intervju sa ...

Radovi naših učenika

Predstavljamo maturate

Juni, 2018.





JU OŠ "Umihana Čuvidina" Sarajevo
Ađul—školski časopis

Urednici

Članovi Novinarske sekcije

*Nahović Taida
Topalović Nejra
Kukuljac Amina
Smačlović Esma
Bašalić Adna
Polumenta Šejla
Babačić Nejl
Uglješa Ena
Gagula Lamija
Čardaklija Aldin
Nežirević Mejrem
Džuho Džana
Hodžić Ajna
Sućeska Emīna
Sarajlić Lamija*

Voditelji Novinarske sekcije


Ramiz Dedić

Sabina Alilović

Tehnička obrada:

Sabina Alilović

E-mail: umihanac@bih.net.ba



Intervju sa direktorom škole, mr.sci. Azizom Mulahmetovićem

Članice Novinarske sekcije Uglješa Ena i Gagula Lamija su intervjuisale direktora naše škole gospodina Aziza Mulahmetovića.



Ađul: „Gospodine direktore, ovih dana se izvode građevinski radovi u dvorištu naše škole. Možete li nam reći o čemu se radi i koji su daljnji planovi u izgradnji škole?“

Direktor: „Ovih dana su počeli radovi na izgradnji nove fiskulturne sale i izgradnji 11 novih učionica kako bi i naša škola imala normalne uslove za izvođenje nastave. U toku raspusta biće uklonjena mala škola, a na njenom mjestu i dijelu dvorišta bit će izgrađena fiskulturna sala, podzemna garaža, školska ambulanta i određen broj učionica. Planirano je da se radovi završe u roku od 18 mjeseci, iskreno da kažem ja bih bio zadovoljan kad bi radovi bili završeni bar za dvije godine.“

Ađul: „Kako će se organizovati nastava u narednoj školskoj godini?“

Direktor: „Prioritet je da obezbjedimo uslove za nesmetano izvođenje nastave u narednoj godini, a to ćemo postići tako što ćemo fiskulturnu salu preurediti u nekoliko učionica, zbornicu ćemo koristiti kao učionicu i druge prostorije u školi prilagoditi ćemo novonastaloj situaciji. Nadam se da ćemo naći načina da svi đaci idu u našu školu, da neće biti odlazaka na druge lokacije. Moraćemo se malo strpiti, ali se nadam da će sve biti u redu.“

Ađul: „Još jedna školska godina se završava a naši maturanti odlaze iz naše škole. Da li ste zadovoljni njihovim rezultatima postignutim u toku devetogodišnjeg školovanja?“

Direktor: „Zadovoljan sam rezultatima koje su postizali učenici ove generacije, ali uvijek može bolje. Posebno sam zadovoljan ponašanjem naših učenika i njihovim vladanjem. Bilo je nekih manjih problema, ali smo ih uspješno rješavali. Želim ovoj generaciji mnogo uspjeha u srednjoj školi i da našu školu predstave u što boljem svjetlu.“

Ađul: „Svake školske godine organizuju se razna takmičenja u znanju, kao i sportska takmičenja i takmičenja u vannastavnim aktivnostima. Možete li nam reći da li ste zadovoljni rezultatima koje su postigli učenici naše škole?“

Direktor: „Veoma sam zadovoljan rezultatima kojese postigli učenici naše škole. Posebno su me obradovali matematičari i fizičari koji su osvojili veoma značajna mjesta na općinskom i kantonalnom takmičenju, a posebno sam zadovoljan osvajanjem drugog mjesta iz fizike na federalnom takmičenju. Mogu reći da je ovo jedna od najuspješnijih godina u kojoj su postignuti vrhunski rezultati. Svim učenicima, koji su učestvovali na ovim takmičenjima, i njihovim nastavnicima upućujem iskrene čestitke.“

Ađul: „Kako vidite budućnost naše škole?“

Direktor: „Što se tiče budućnosti naše škole ja je vidim veoma svijetlu i uspješnu. dosadašnji rezultati mi daju za pravo da očekujem još bolje dane u budućnosti i mnogo dobrih rezultata na svim poljima našeg rada. Uz materijalna ulaganja u našu školu mi postajemo najopremljenija škola u Kantonu Sarajevo, a uz veći angažman naših nastavnika kroz sekcije i dodatnu nastavu, rezultati će biti još bolji. Posebno kad se završi izgradnja nove sale i 11 novih učionica imat ćemo uslove za postizanje još boljih rezultata.“

Ađul: „Gospodine direktore, hvala Vam na iscrpnim odgovorima i želimo Vam puno sreće u radu.“

Prvačići

SVEČANI PRIJEM PRVAČICA

U ponedjeljak, 04.9.2017. godine upriličen je svečani prijem za novu generaciju prvačića. Srdačan doček našim novim đacima i njihovim roditeljima priredili su stariji drugari uz prigodan i zanimljiv program, nakon čega im je dobrodošlicu poželio i direktor škole.



Dragi prvačići, želimo vam sretan i uspješan početak školovanja!



MANIFESTACIJA „RASTIMO ZAJEDNO“

Povodom početka nove školske 2017/2018. godine, Općina Novi Grad Sarajevo, u petak, 15. septembra, organizirala je zabavu za 1.323 prvačića iz 14 novogradskih osnovnih škola.

Uz bogat kulturno-umjetnički program, pjesmu i ples, mališani su uživali i u omiljenim likovima iz crtića. Zabava je obogaćena zajedničkim plesom uz pjesme "Kad si sretan", "Sarajevo ljubavi moja", "Pačiji ples", "Čokolada" i dr. I ove godine, Općina je svim polaznicima u prvi razred osnovne škole darovala poklon-paketiće sa školskim priborom i na taj način poželjela im sretan polazak u školu.

Uspjesi...

MINISTAR KAZAZOVIĆ NAGRADIO 106 NAJIZVRŠNIJIH OSNOVACA I SREDNJOŠKOLACA

Ministar za obrazovanje, nauku i mlade Kantona Sarajevo Elvir Kazazović dodijelio je danas izabrana djela istaknutog bosanskohercegovačkog pisca Meše Selimovića najizvršnijim osnovcima i srednjoškolicima Kantona Sarajevo koji su tokom protekle školske godine posebno iskazali svoja zalaganja u nastavnim i vannastavnim aktivnostima, te realizaciji projekata i promociji svojih škola.

Predstavnica naše škole je učenica Ramina Kalabušić. Čestitamo!



25. GODIŠNJICA FORMIRANJA DRUGE VITEŠKE MOTORIZOVANE BRIGADE

Historijskim časom, učenjem Fatihe i polaganjem cvijeća na spomen-obilježje ispred Osnovne škole „Umihana Čuvidina“ obilježena je 25. godišnjica formiranja Druge viteške motorizovane brigade i 8. godišnjice Udruženja. Povodom tog obilježavanja, na stadionu „Braća Kadić“, Boljakov Potok, održan je deveti tradicionalni malonogometni turnir „Memorijal 2. viteške brigada“ u kojem su uzeli učešće učenici VII razreda naše škole.

Ekipa JU OŠ „Umihana Čuvidina“ osvojila je 3. mjesto.

Za najboljeg golmana proglašen je učenik Čardaklija Aldin.

Eskurzija

*Učenici završnog razreda, u pratnji razrednika i direktora škole,
u periodu od 12.09. do 16.09. su bili na ekškurziji u Neumu.
U okviru ekškurzije posjetili su spomen kompleks „Bitka na Neretvi“
u Jablanici, stari dio grada Mostara i Počitelja, te Makarsku.*



ŠKOLA U PRIRODI

ŠKOLA U PRIRODI - 3. RAZRED

Kao i svake godine i ove školske godine organizovana je Škola u prirodi za učenike 3. razreda, kao dio nastavnog odgojnog procesa.

Učenici su sa svojim učiteljima boravili u Ajdinovićima, mjestu koje je idealno za izlazak iz učionica i održavanje nastave u prirodi.

U periodu od 16.10. do 19.10.2017. godine učenici borave i realizuju nastavne sadržaje u prirodi. Obilazak domaćih životinja, šetnja, igra na terenima za košarku, nogomet, rukomet i odbojku, domaća hrana uz boravak na čistom zraku, dio su samo onog u čemu uživaju naši učenici.

Koliko učenici uživaju u prelijepom i prostranom prirodnom okruženju, brojnim sadržajima edukativnog i zabavnog karaktera vidi se na njihovim licima iz priloženih fotografija.



JESEN JE...

ZLATNA JESEN


Zlato, zlato, svuda zlato
Od jeseni darovato

Zrelo voće i povrće
Da se sladi ko god hoće.

Ljudi u jesen mnogo rade
Pripremaju zimnice i kisele salate

Zlato, zlato, rasuto po drumu,
Zauzelo cijelu šumu.

Dizdarević Arijana III- 2



JESEN

Kiša pada, vjetar puše,
lišće mijenja boju.
Svuda zlato, divno zlato
Obojilo šumu moju.

Mirisi se svuda šire,
zimnice se spremaju.
Školarci svaki dan
U jeseni uživaju.

Rizvanović Adna III -3



Kukuljac Amina VII-3



Zagorac Nejra IX-5

Jesen u mom sokaku

Jesen u mom sokaku
 Donese boju šaroliku.
 Cvijeće više ne cvjeta,
 A lišće po parku šeta
 Ptice odlaze na jug,
 Kišobran mi je najbolji drug
 Kad jesen u druge krajeve krene
 Odnese moje lijepe uspomene.

Elzira Osmanspahić VIII-2



Čaušević Edvin IX-1



Fazlagić Amina IX-2

Dan učitelja

Svjetski dan učitelja obilježava se svake godine 5. oktobra.

Ovim danom ukazuje se na to koliko je za razvoj društva bitan rad učitelja i nastavnika.



Naša učiteljica

Naša učiteljica zna dobro kako ko diše,
uči nas kako se čita i piše.

Kad neko od nas plače,
ona brine još jače.

Kad nekoga od nas zaboli,
učiteljica kao mama još jače zavoli.

Sajra Fazlić II-4

Sportski uspjesi I

ATLETSKI KUP

U petak, 22. 09. 2017. godine održan je Atletski kup za osnovne škole Kantona Sarajevo 2017. u organizaciji Atletskog saveza Kantona Sarajevo pod pokroviteljstvom Ministarstva kulture i sporta Kantona Sarajevo uz tehničkog organizatora takmičenja AK "Sarajevo".

Sva takmičenja održana su na Atletskom poligonu Atletskog kluba „Sarajevo“ na Koševu.

Naši takmičari ostvarili su odlične rezultate u pojedinačnim i zajedničkim disciplinama.

U ukupnom plasmanu osvojili 2. mjesto u konkurenciji osnovnih škola sa područja Općine Novi Grad.

Čestitamo učenicima i nastavnicima na uspjesima!



FINALE ATLETSKOG KUPA ZA OSNOVNE ŠKOLE

U ponedjeljak, 02.10.2017. godine na stadionu "Koševo" održano je FINALE ATLETSKOG KUPA osnovnih i srednjih škola Kantona Sarajevo. Naši vrijedni učenici Aldin Zelić osvojio je 1. mjesto u bacanju kugle i Emir Kaskatinović 2. mjesto u utrci na 60 metara.

Umjetnost ne poznaje granice...




Bezdrob Nidal IX-4



Kruščica Tarik IX-2



Hot Rijalda IX-5



Ramić Hanah IX-2

Takmičenja 1

TAKMIČENJE CRVENI KRIŽ

U subotu, 4.11.2017. godine održano je XXI Općinsko takmičenje učenika osnovnih škola iz programa "Upozoravanje na opasnost od mina". Našu školu su predstavljali članovi sekcije Podmladak Crvenog križa: Nejla Babačić, Amina Kunić i Amina Grbo.



NAGRAĐENI UČENICI, AUTORI NAJBOLJIH LITERARNIH I LIKOVNIH RADOVA POSVEĆENIH ROĐENDANU DOMOVINE

U okviru obilježavanja 25. novembra - Dana državnosti BiH, Služba za obrazovanje, kuluru i sport Općine Novi Grad Sarajevo realizirala je nagradni konkurs za literarno i likovno stvaralaštvo učenika novogradskih osnovnih škola o temi "Dan državnosti".

Naša učenica Lejla Smječanin osvojila je 3.mjesto za literarni rad. Čestitamo!



Sretan ti rođendan, DOMOVINO!

DAN DRŽAVNOSTI BIH



Čerkez Nejla IX-2

Moja domovina je posebna. Možda je to dobro, možda i nije, ali ja je volim upravo zbog toga. Moja domovina nije razvijena kao Amerika, bogata kao Švicarska, napredna kao Njemačka, ali zato ona ima nešto što nijedna druga zemlja na svijetu nema. Bosna ima dušu. Bosna je kao malo neiskvareno dijete koje se raduje svakome koga vidi i ima lijepu i čistu narav. Bosna je kao starica koja je više umorna od svega što je proživjela kroz prošlost. Bosna je kao otac koji se bori za svoju porodicu i žrtvuje sebe za svoju djecu i suprugu, jer ih voli više od života. Bosna je kao majka kojabi sve dala za svoju djecu, samo da ih vidi sretne i zadovoljne. Bosna je svako od nas i svi mi smo Bosna. Moja domovina je jedna kompletna osoba i ta osoba na današnji dan, 25 novembar, obilježava svoj rođendan. Obilježava ga danas i obilježavat će ga i u budućnosti, jer se bori i ne boji se. Uvijek se borila i i umorna je od toga, ali nije izgubila snagu i volju. Izgubila je samo jedno – strah. Izgubila je strah od neprijatelja i strah od borbe. Bosna je hrabra i smjela i ponosna je na to, a i mi smo ponosni na nju, jer nikada nije pokleknula pred bilo kakvim izazovom. Volim je i zbog toga.

Lejla Smječanin

Moja domovina


Kad bih mogla opisati
Sve ljepote moje Bosne
Tome kraja ne bi bilo.

Kad bih mogla nacrtati
Hrabre ljude moje Bosne
Pero bi se istopilo.

Kad bih mogla ispričati
O patnjama moje Bosne
Srce bi se zaledilo!

Lamija Hadžiahmetović VIII 3

Ajla Gerin VIII 3



"Svaki čovjek po prirodi teži znanju."

KVIZ TAKMIČENJE POVODOM OBILJEŽAVANJA 40 GODINA POSTOJANJA OPĆINE NOVI GRAD SARAJEVO

Povodom obilježavanja 40 godina postojanja Općine Novi Grad Sarajevo, Služba za obrazovanje, kulturu i sport organizovala je edukativno-zabavni kviz za učenike IX razreda. Učenici Arman Bašović, Lejla Zorlak i Sara Kurtović predstavljali su našu školu i u prvom krugu takmičenja osvojili su 1. mjesto. U finalnom dijelu takmičenja naša ekipa zauzela je 4. mjesto.



POSJETA ZIMSKOM SALONU KNJIGE

U ponedjeljak, 18.12.2017. godine članovi bibliotekarske i u srijedu, 20.12.2017. godine članovi novinarske sekcije posjetili su Zimski salon knjige, 13. po redu, u organizaciji TDK Šahinpašić. Na površini od 2000 kvadratnih metara predstavilo se 60 izlagača, sa najaktuelnijom produkcijom i prigodnim cijenama.

Članovi bibliotekarske sekcije kažu: „Iskoristili smo sajamske popuste i pronašli najbolje poklone za sebe i nama drage ljude“.



U zdravom tijelu - zdrav vazduh :)



PLANINARSKE DRUŽINE-EDUKACIJA KROZ PLANINARSKU ŠKOLU

Planinarsko društvo je u saradnji sa općinom Novi Grad Sarajevo, 13 osnovnih škola i Srednjom elektrotehničkom školom realizovalo je Pilot projekat pod nazivom "Planinarske družine-edukacija kroz planinarsku školu".

MANIFESTACIJA DJEČIJI ATLETA PARTY I DODJELA ZAHVALNICA

AK Novi Grad Sarajevo uspješno je organizovao prvu sezonu Quickie dječije atletske lige novog projekta u Sarajevu, BiH, a možda i šire, koji je okupio preko 250 dječaka i djevojčica iz Sarajeva, Istočnog Sarajeva, Sokoca i Rogatice.

U cilju promocije "Quickie dječije atletske lige" u četvrtak 21.12.2017.godine organizovan je "Dječiji atletski party" za svu djecu učesnike "Quickie dječije atletske lige".



Dodjeljene su i zahvalnice direktoru škole Mulahmetović Azizu za dugogodišnji doprinos radu i nastavnici Jasmini Slatina Sućeska, koja svojim znanjem i zalaganjem uspeva detektovati talentovane dječake i djevojčice, usmjeriti ih na pravu disciplinu i na taj način ostvariti najbolji mogući atletske rezultat.

ZIMA, ZIMA, E PA ŠTA JE...



PRVI SNIJEG

Pao je prvi snijeg
Bijeli je cijeli brijeg
Pokrio je kuće, šume, polja
Svud je bijela boja

Pao je prvi snijeg
Zec se dađe u brijeg
Sakrio se u skrovište svoje
Svi se mraza boje

Pao je bijeli snijeg
Leden je i brijeg
Vjetar Sjeverac pozdrave
nosi
Pahuljicama u tvojoj kosi.

Erna Sofović III3

IGRA U SNIJEGU

Sva se djeca igraju
Na prvom snijegu se sankaju
Skijaju i zabavljaju
Dok snježne pahulje padaju.
Nije im hladno dok se igraju
Kape i šalove imaju
Smrzli su se nosići
Vrijeme je da idu kući
Brzo će se ugrijati
I topli čaj popiti

Amina Tunović III2



IDE ZIMA

Pahulja bijela

Pala mi na dlan,

A sa njom se smiješio

Prvi zimski dan.

Vrijeme je za sankanje,

Grudvanje i Snješka

Pahulje male sipe

Bijeli dan se smješka.

Ide zima, tu je sad

Smrznuo se čitav grad

A kad prođe pola noći

Pahulje će male doći.

Sve u bijelo će obući

Dok smo mi u toploj kući

A kad nas probudi dan

Sve je bijelo kao san.

Hana Pazalia III2

Kad se male ruke slože...



NOVOGODIŠNJI PAKETIĆI

Učenici naše škole učestvuju u projektu "Djeca pomažu djeci", donacijama paketića uljepšavaju novogodišnje praznike bolesnim i djeci slabog materijalnog stanja.

Projekat traje do 27.12.2017.godine.

Sigurni smo da ćete kao i do sada, dragi roditelji i učenici, pokazati svoju plemenitost i time doprinijeti novogodišnjoj radosti djece.

U školi SMO 29.12.2017. godine, upriličili "Zimski bazar" đачkih rukotvorina. A na Bazaru, na 38 štandova, bili su smješteni razni proizvodi, koji su nastali kao rezultat rada i ideja vrijednih đaka, nastavnika, mama, očeva, braće i sestara. Bilo je baš svega što poželiš. Vatromet boja, čestitki, predmeta, ali i domaćih kolača, čajeva za svačiji ukus, na čemu bi im sigurno pozavidjeli iiskusni obrtnici i trgovci. U prazničnoj i prijateljskoj atmosferi uživali su učenici, nastavnici, roditelji i prijatelji Škole. Prikupljena novčana sredstva bit će usmjerena za kupovinu nastavnih učila, kako bi se poboljšao kvalitet nastave.

JU OŠ "UMIHANA ČUVIDINA" SARAJEVO

*Čast i zadovoljstvo nam je pozvati Vas na
Zimski bazar
"Za druga, drugaricu, za školu, za nas"
koji će se održati u petak, 29.12.2017.godine
od 09:30 do 13:00 sati.*



Lijepe vijesti za sve nas 😊

UZ ŠKOLU „UMIHANA ČUVIDINA“ GRADIT ĆE SE SPORTSKA DVORANA, OBDANIŠTE, AMBULANTA I SPORTSKI TERENI!! 😊😊😊



U naselju Boljakov Potok uskoro će početi izgradnja jedne od najboljih sportskih dvorana u Kantonu Sarajevo, koja će se graditi uz školu „Umihana Čuvidina“.

„Radi se o dvorani sportskih dimenzija sa tribinama koja će biti izgrađena uz školu. Boljakov Potok je jedno od naših najvećih naselja sa oko 10.000 stanovnika, gdje je u školi postojala improvizirana sala za tjelesni odgoj. Stanovnici ovog naselja, roditelji i nastavnici škole dugo su tražili da se izgradi sportska dvorana i nakon puno urađenog posla došlo se do početka njene gradnje“, rekao je općinski načelnik Efendić.

ŠKOLA SKIJANJA

Realizacija projekta "Škola skijanja" za sve učenike šestih razreda osnovnih škola u organizaciji Ministarstva za obrazovanje, nauku i mlade Kantona Sarajevo počela je 07.02.2018. godine i trajala je šest sedmica.

U ovom projektu učestvovalo je oko 4.000 učenika iz 65 osnovnih škola sa područja Kantona Sarajevo. Na planinama je svakodnevno boravilo oko 700 učenika, koji su sa nastavnicima i instruktorima skijanja učili osnove ovog zimskog sporta.






Fazlagić Amina IX-2

Ljubav

Ljubav je jaka,
nije za đaka
Đaci se muče
Ne stižu da uče
Ali ipak nađu vremena malo
Da iskažu ljubav da bi im srce s'jalo.



Smajić Suana VIII-4

Sve petice, četvorke

Sve trojke i dvojke

Skrivaju da vide

Plava oka dva

Ljubav ih u oblake nosi, pjeva škola sva.

Zerina Kulić VIII 2

DAN NEZAVISNOSTI BOSNE I HERCEGOVINE!

1.mart - Dan nezavisnosti Bosne i Hercegovine

Na referendumu održanom 29. februara i 1. marta 1992. godine građani Bosne i Hercegovine svih nacionalnosti su se odlučili za suverenu, nezavisnu, samostalnu i cjelovitu Bosnu i Hercegovinu, državu ravnopravnih naroda i građana.

28. februara 1995. godine Skupština Republike Bosne i Hercegovine u Sarajevu donijela je odluku kojom je 1. mart proglašen Danom Nezavisnosti Bosne i Hercegovine.

U prostorijama naše škole, svečanom priredbom obilježen je Dan nezavisnosti Bosne i Hercegovine.



Bosna, ljubav, patnja i ponos

Bosna! Malena zemlja u srcu Balkana. Zemlja koja je nikla iz jugoslavenskog pepela. Iz pepela tad velike i moćne države sastavljene od šest republika i dvije autonomne pokrajine. Usijane glave nisu željele takvu državbu. Odvajale su se jedna po jedna republika. 1. marta 1992. godine građani Republike Bosne i Hercegovine na referendumu su se izjasnili da žele samostalnu i jedinstvenu državu. Da žele da imaju i nezavisnu državu u kojoj će živjeti svi narodi i narodnost. Ali ni to se nije svidjelo pohlepnim ljudima. Htjeli su da prisvoje ljepoticu našu. Započe rat! Ubijanja, stradanja, paljenja. Opći kaos! Strah u kostima svakog živog stvora. Nesta ljepote s planinskih brda, iz njih su virile tenkovske cijevi. Korita rijeka ispunjena krvlju. Jauk i plač razliježe se dolinom. Poljane nase sad su minska polja. Smrt je svuda oko nas. Strah i trepet u svakom kutku. Prestao je cvrkut ptica, radosna igra šarenih leptirova. Crni dim je ovio domove naše. Zagarišta su ostala iza njih. Diže se sve što je moglo pušku nositi, stadoše u redove za odbranu zemlje svoje. Inat i prkos javi se u srcima njihovim. Plač majki, djece, sestara natjera ih da bez straha stanu pred koljače. Oskudno odjeveni s puškom u ruci branili su domovinu svoju. Ginula su djeca naša. Boni jauk iz grudi majki. Ginuli su, a saborci njihovi nisu se bojali, nisu odustajali. Ljubav prema domovini bila je jača od ikakvog straha. Želja da otjeraju neprijatelja bila je jača od ikakvog plača. Posustaše dušmani, odustapše od namjere svoje, shvatiše da Bosna ima previše ljubavi, previše heroja. Bosanska djeca odbraniše majku svoju. Na vrhovima njenih planina viori se bosanska zastava. Heroji Bosne vratiše joj njen sjaj. Heroiji Bosne sačuvaše njen ponos, iz garišta niče nova **NEZAVISNA** država u kojoj njene rijeke žubore kao da svakodnevno pjevaju "Bosno moja, divna mila".

Amina Kukuljac VII-3

SRETAN 8. MART, MEĐUNARODNI DAN ŽENA!



Radovi učenika naše škole

Predstavljamo

GENERACIJA 2017/2018.



IX-1 sa razrednikom Smajom Voloderom:

Ahmetspahić Nermin, Bajramović Amna, Bajramović Džeja, Bašović Arman, Čaušević Edvin, Čustović Ilhan, Džaferović Anel, Hodžić Ilma, Homarac Elma, Kahrman Mirza, Kladančić Ajdin, Komarica Adna, Kuldija Tarik, Kurtović Nađa, Livadić Delila, Omeragić Amra, Omerović Ermin, Peljto Kenan, Redžepović Irhad, Rizvo Mela, Suljević Amar, Šabanović Merima, Tinjak Ajla, Tokača Neira, Zelić Almin.



IX-2 sa razrednicom Fahrijom Šaćić

:

Bojičić Sara, Čerkez Adin, Čerkez Nejla, Čustović Hana, Ćato Esnaf, Dizdarević Armin, Džaferović Senad, Džanović Nela, Fazlagić Amina, Kadrić Ena, Kaskatinović Emir, Kruščica Tarik, Kurtović Ajla, Masleša Nađa, Poljo Faris, Ramić Ilda, Ramić Hanah, Repuh Faris, Smječanin Danijal, Spahija Almedina, Suljović Merdan, Šehović Edina, Šoškić Sanida, Uglješa Nejla, Veljan Ramo



maturante



IX-3 sa razrednicom Enisom Alibegović :

Abaz Aida , Abaz Amina , Aljukić Lejla ,
Avdagić Suarna , Bećak Ali , Dragolj Almedina ,
Džuzdanović Ajdin , Hadžić Tarik , Halilović
Ermin , Hasić Almina , Hasić Aida , Hrelja
Samir , Husejnović Nermin , Kurtović Adi ,
Mirvić Anes , Mršo Adna , Pezo Belmin , Plečo
Amina , Ragipović Nidal , Smajović Edina ,
Spahić Hamza , Spiljak Nejra , Subašić Armin ,
Tabaković Lajla , Vesnić Ensar , Zorlak Lejla



IX-4 sa razrednicom Melisom Salihović- Ibrahimbegović:

Bezdrob Nidal , Biber Amar , Cibra Ernad , Čavkušić
Ervin , Delibašić Iman , Duljević Smail , Duro Lejla ,
Džuho Mahir , Hodžić Adna , Hodžić Ezrema ,
Husejnović Amina , Karamuratović Adin , Kosovac
Amila , Kukuljac Lajla , Kurtović Sara , Masleša
Ibrahim , Osmanović Ahmed , Osmanović Harun ,
Plavčić Merima , Pripo Faris , Skorupan Ema , Smajić
Ajla , Šesto Emel , Tarić Dženan , Žunić Amina



IX-5 sa razrednikom Adisom Nuhanovićem:

Abaz Sabit , Aganović Eldin , Čavrk Benjamin , Čolić
Amina , Čatić Faris , Doljančić Merim , Hot Rijalda ,
Husić Asmir , Huskić Alema , Imamović Amin ,
Imamović Eldar , Kadrić Ena , Lukovac Azmir
Muraspahić Merjem , Muslim Amina , Okerić Rijad ,
Podrug Almin , Polumenta Šejla , Smječanin Lejla ,
Sućeska Sajra , Šabanović Bakir , Šabanović Belmin ,
Šabanović Vedad , Turčalo Amar , Zagorac Nejra



Takmičenja 2



OPĆINSKO TAKMIČENJE IZ MATEMATIKE

Učenicima osnovnih škola Općine Novi Grad Sarajevo i njihovim nastavnicima, a posebno našoj školskoj ekipi sedmih, osmih i devetih razreda čestitke od srca za uspjeh na takmičenju, održanom u petak, 09.03.2018.godine. Takmičila su se po tri učenika iz 14 osnovnih škola, a takmičenje je održano u organizaciji Općine Novi Grad.

Ostvareni rezultati:

U pojedinačnom plasmanu učenice VII razreda ostvarile su sljedeće rezultate:

Asja Smječanin - 1.mjesto

Nejla Herac – 2.mjesto

Adla Tinjak – 3.mjesto

Učenici VII razreda ekipno su osvojili 1.mjesto.

U pojedinačnom plasmanu učenik VIII razreda ostvario je sljedeći rezultat:

Mirnes Fehrić – 2.mjesto

Učenici VIII razreda ekipno su osvojili 3.mjesto.

Učenici IX razreda ekipno su osvojili 5.mjesto.

Takmičarima i njihovim nastavnicima, upućujemo iskrene čestitke, te želimo puno sreće na kantonalnom takmičenju.

OPĆINSKO TAKMIČENJE IZ GEOGRAFIJE

Općinsko takmičenje iz geografije, na kojem su učestvovali učenici devetog razreda iz 14 novogradskih osnovnih škola, održano je 15.03.2018. godine u prostorijama Osnovne škole "Čamil Sijarić".

Našu školu predstavljali su učenici:

1. Sara Kurtović

2. Kenan Peljto

3. Šejla Polumenta.

Učenica Sara Kurtović osvojila je 3.mjesto sa osvojenih 95 bodova.

Na Kantonalno takmičenje plasirao se i učenik Kenan Peljto, koji je osvojio 88,5 bodova.



Čestitamo učenicima i nastavnicima i želimo im uspjeh u daljem takmičenju.

OPĆINSKO TAKMIČENJE IZ FIZIKE

U prostorijama Osnovne škole "Fatima Gunić", 28. marta održano je općinsko takmičenje iz fizike, na kojem je učestvovao 81 učenik osmog i devetog razreda osnovnih škola.

Našu školu predstavljali su učenici VIII razreda:

1. Mirnes Fehrić

2. Tarik Ćatić

3. Nejra Tinjak

i učenici IX razreda:

1. Lejla Zorlak

2. Sara Kurtović

3. Ajdin Džuzdanović

U ekipnom plasmanu učenici VIII razreda osvojili su 2.mjesto, a u ukupnom plasmanu škola – VIII i IX razredi zajedno, naša škola se plasirala također na 2. mjesto.

Čestitamo učenicima i nastavnicima i želimo im uspjeh u daljem takmičenju.

KANTONALNO TAKMIČENJE IZ MATEMATIKE - 20.3.2018. i 21.3.2018.

Kantonalno takmičenje iz matematike za učenike osnovnih škola održano je dana, 20.3.2018. i 21.3.2018. god. u Prvoj bošnjačkoj gimnaziji u Sarajevu. Takmičenju je pristupilo 98 učenika osnovnih škola u kategoriji VII, VIII i IX razreda.

VIII RAZRED

6. mjesto - Fehrić Mirnes



KANTONALNO TAKMIČENJE IZ GEOGRAFIJE ZA IX RAZRED - 29.3.2018.

Kantonalno takmičenje iz GEOGRAFIJE za učenike osnovnih škola održano je dana, 29.3.2018. u Prvoj bošnjačkoj gimnaziji u Sarajevu. Takmičenju je pristupilo 91 učenik osnovnih škola.

IX RAZRED

7.mjesto – Sara Kurtović

Kreativci....

ŠKOLA FILMA "KIDS MOVIE STAR"

Udruženje MI iz Sarajeva, uz podršku općine Novi Grad Sarajevo i Ministarstva nauke, kulture i sporta Kantona Sarajevo realiziralo je i ove godine niz kreativnih radionica iz oblasti filmske umjetnosti kroz projekt "Mala škola filma - Kids Movie Star".

Cilj ovog projekta je prevencija vršnjačkog nasilja među djecom, kroz kreativno i vizuelno izražavanje. Snimanjem kratkih igranih filmova predstavljeni su rizici, uzroci i posljedice vršnjačkog nasilja čime je poslana jasna poruka da prepoznavanjem, zaustavljanjem i sprečavanjem nasilja pruža djeci pomoć da prevladaju posljedice nasilja, te da nam je njihova dobrobit važna i da živimo u društvu koje ne tolerira nasilje ni u kojem obliku.

Drugi po redu "Kids Movie Star", okupio je talentovane, vrijedne osnovce iz deset osnovnih škola u Sarajevu: JU OŠ "Umihana Čuvidina", JU OŠ "Meša Selimović", JU OŠ "Džemaludin Čaušević", JU OŠ "Vladislav Skarić", JU OŠ "Grbavica I", JU OŠ "Zahid Baručija", JU OŠ "Sedma osnovna škola", JU OŠ "6.mart", JU OŠ "Zaim Kolar" i JU OŠ "Srednje".

Njih 127 bili su vođeni zajedničkim interesima, te su kroz posebno osmišljene radionice, upoznati sa procesom nastanka scenarija za film, režiranja, snimanja profesionalnom kamerom i glumom a rezultat toga je 11 kratkih igranih filmova: "Prijetelji", "Halloween", "Pepeljuga", "Test", "Vanzemaljci", "Ahmed i Sabina", "I ja želim biti vaš svijet", "Emin", "Svijet voli pobjenike", "Školski čas" i "Tarik", čije autorstvo potpisuju upravo ovi učenici.



Martovske novosti...

ŠKOLA PLIVANJA

ŠKOLA PLIVANJA ZA UČENIKE IV RAZREDA U ORGANIZACIJI OPĆINE NOVI GRAD SARAJEVO

Škola plivanja za učenike četvrtog razreda u organizaciji Općine Novi Grad Sarajevo, realizovana je u mjesecu martu.

Učenici su u školu plivanja išli u pratnji svojih učiteljica i učitelja.



IZNENAĐENJE ZA ROĐENDAN ☺

Osmijeh ne košta ništa, ali daje mnogo. On obogaćuje one koji ga dobiju, a ne osiromaši one koji ga daruju. Danas su drugari II-4, zajedno sa svojom učiteljicom, izmamili osmijeh našem učeniku Ahmedu. Priredili su mu nezaboravno iznenađenje za rođendan.

Kako je Ahmed vatreni navijač FK Sarajevo, uz poklone sa obilježjima ovog fudbalskog kluba, pozvali su u goste i Krste Velkoskog, kapitena FK Sarajevo i reprezentativca Makedonije kako bi iznenadili svoga druga.

Bravo za male drugare i njihovu učiteljicu.



SVJETSKI DAN OSOBA S DOWN SINDROMOM

U susret Međunarodnom danu osoba s Down sindromom, učenici naše škole su realizirali radionicu u znak podrške djeci s Down sindromom. Tom prilikom su oblačenjem šarenih čarapa iskazali podršku djeci sa Down sindromom i poslali poruku da je različitost bogastvo i da su sva djeca svijeta jedinstvena na svoj način.



PRIPREMNA FAZA IZGRADNJE SPORTSKE DVORANE

U srijedu, 21.03. 2018.godine počeli su pripremni radovi za izgradnju sportske dvorane sa pratećim sadržajima uz školu „Umihana Čuvidina“.

Učenici i nastavnici željno iščekuju izgradnju 11 novih učionica, sportske dvorane, kao i ostalih sadržaja koji će poboljšati izvođenje nastave, kao i ostalih nastavnih i vannastavnih aktivnosti.

Radovi napreduju.....



Proljeće je, proljeće....

Proljeće

Proljeće dolazi, zima odlazi.

Leptiri lete šarenih boja
i šire nam krila svoja.

Lastavice doljeću s toplog juga,
toplije dane najavljuje duga.


U bašti behar je probeharao
plodove proljeća nam darovao.

Jutra vedra, noći lijepe,
razigrano je svako dijete.

Cvijeće cvjeta i miriše,
dobro nam došlo drago proljeće!



Kolar Sajra VIII-4



Turković Arijana VIII-3

NAŠI MALI AMBASADORI

I za vrijeme proljetnog raspusta, oni redaju uspjeh za uspjehom u vannastavnim aktivnostima i u svojim klubovima.

Suana Tucaković proglašena je najperspektivnijom sportistkinjom u 2017.

godini, a u Antaliji, na razvojnom turniru,

na kojem su učestvovala reprezentacije

iz 15 zemalja, osvojila je srebrnu medalju.



Faris Kadušić na XVII međunarodnom plivačkom mitingu "SARAJEVU S LJUBAVLJU 2018" osvojio je zlato (100 m - slobodno) i srebro (50 m - leđno).

Dinel Hamzić je najmlađi programer u BiH koji posjeduje Microsoft Technology Associate sertifikat.



INTERVJU SA SUANOM ☺

Ađul: Kada si počela da se baviš ovim sportom?

Suana: Tenis sam počela trenirati 2010.godine, sa nepunih 6 godina.

Ađul: Kako se financiraš, jer je to veoma skup sport?

Suana: Tačno da je tenis skup sport, ali s obzirom na to da sam postizala dobre rezultate, imala sam i popusta u opremi i treninzima. Ipak još uvijek sve finansiraju moji roditelji.

Ađul: Reci nam razlog koji te privlači u tom sportu?

Suana: Tenis me privlači prije svega jer je individualan sport i sama sam odgovorna za rezultat. Počela sam trenirati jer je već moja sestra trenirala i nekako je to postao način života.

Ađul: Šta si osvajala?

Suana: Bilo je mnogo osvojenih turnira, tome svjedoče skoro pedeset pehara, koji su uglavnom za prva mjesta. Već nekoliko godina sam državni prvak, a zadnju godinu učestvujem većinom na međunarodnim turnirima i dobro sam se pokazala.

Ađul: Da li imaš posebnu prehranu?

Suana: Pokušavam da se hranim zdravo, jer je to veoma bitno. Preporučuje se paste, pice, kuhana jela, pa se pokušavam pridržavati pravila.

Ađul: Da li misliš da se i u budućnosti baviš ovim sportom?

Suana: Čini mi se da ne bih znala živjeti bez tenisa. Dok ima rezultata i nema povreda, ja ću trenirati, pa ćemo vidjeti.

Ađul: Gdje obavljaš treninge?

Suana: Ljeti treniram na otvorenim terenima, u krugu Kampusa i na Koševu, a zimi u balonima na Koševu.

Ađul: U kojem klubu treniraš?

Suana: Treniram u klubu UNA.

Ađul: Kako ti se zovu treneri?

Suana: Trenutno imam jednog trenera Harisa Bašalića.

Ađul: Da li si išla u strane zemlje zbog takmičenja?

Suana: DA, kao što sam i rekla učestvujem u međunarodnim takmičenjima gdje dolaze teniseri iz cijelog svijeta. Zbog cijena biram bliže destinacije na prostoru bivše Jugoslavije. Bila sam i u Turskoj, gdje sam došla do Finala. Još uvijek biram turnire na kojima dolaze bolji takmičari, tako da sa manje potrošenog novca imam pravu sliku o kvaliteti mog tenisa. Išla sam i u Austriju, Italiju, Bugarsku, Mađarsku, Rumuniju...



Sarajevo će biti, sve drugo će proći :)



Čerkez Nejla IX-2



Kolar Sajra VIII-4

6.april - Dan grada Sarajeva



Radovi učenika naše škole

FOLKLORNA SEKCIJA U ISTANBULU

Članovi folklorne sekcije naše škole zajedno sa članovima KUD „Gajret“ boravili su u Istanbulu od 14.-24.04.2018.godine u organizaciji Gogcan koledža.

Zajedno sa još 10 zemalja, kao pravi mali ambasadori predstavili su Bosnu i Hercegovinu, KUD „Gajret“ i folklornu sekciju naše škole u najljepšem svijetlu i još jednom pokazali su da su najbolji.

Predstavnici naše škole bili su: Spahija Eldan, Zvekić Daris, Bajramović Sanel, Čamo Emela, Bičević Dalila, Bičević Samira, Rahman Alejna i Muslim Džena zajedno sa svojim voditeljem sekcije Karahodža Dinom.



MEĐUNARODNI DAN DJEVOJAKA U IKT-U

U četvrtak, 26.04.2018. je obilježen Međunarodni dan djevojaka u IKT-u. Učenice VII i VIII razreda naše škole su učestvovala na radionici u prostorijama Centra za promociju civilnog društva za djevojčice iz tri osnovne i četiri srednje škole iz Bosne i Hercegovine.

Nakon radionice učesnice su posjetile kompaniju Mistral Technologies i uživale u radionicama o informaciono-komunikacijskim tehnologijama. Učenice VI razreda su učestvovala na radionici u našoj školi pod nazivom Girls in IT.

Na radionici su upoznate sa značajem djevojaka u IT-u i istraživale su o prvim programerkama. Cjelokupnu organizaciju Međunarodnog dana djevojaka u IKT-u su organizovale nastavnice informatike Elma Botulja i Irma Bošnjak.



Takmičenja 3

19. SMOTRA TEHNIČKOG STVARALAŠTVA MLADIH NOVI GRAD- 2017 GODINE

Dana 22.04.2018. godine u OŠ „Osman Nakaš“ održana je Smotra tehničkog stvaralaštva mladih Općine Novi Grad.

U pojedinačnom plasmanu učenica Selma Hasković osvojila je 3. mjesto.

Čestitke učenici i nastavniku Almiru Deliću.



DRUGO MJESTO NA FEDERALNOM TAKMIČENJU IZ MATEMATIKE

Na Federalnom takmičenju iz matematike za VIII razrede, održanom 28.04.2018. godine u OŠ „Safvet – beg Bašagić u Gradačcu, učenik Mirnes Fehrić osvojio je 2. mjesto.

Mirnes je obezbijedio direktno učešće na matematičkoj olimpijadi.

Učeniku Mirnesu i njegovom nastavniku Hasi Hasanbegoviću, uz čestitke, želimo dobar uspjeh i na narednom takmičenju.

Bravo, Mirnese!



ŠKOLA U PRIRODI 2

ŠKOLA U PRIRODI ZA UČENIKE 5. RAZREDA

I ove školske godine organizovana je Škola u prirodi za učenike 5. razreda kao dio nastavnog procesa.

Sportsko-rekreativni centar Ajdinovići je idealno mjesto za izlazak iz učionica i održavanje nastave u prirodi.

Učenici borave i rade u prirodi, uz različite edukativne i sportske aktivnosti, obilasku, zabavu i odmor.



Sportski uspjesi II

KUP BiH u BACANJU KUGLE

U nedjelju, 15.04.2018. godine na Državnom kupu, u organizaciji Atletskog saveza Bosne i Hercegovine, učestvovala su i naša dva učenika Zelić Almin i Pripo Faris.

Almin Zelić osvojio je 2. mjesto, a Faris Pripo osvojio je 4. mjesto u disciplini kugla u kategoriji dječaci.

Čestitke učenicima i njihovoj nastavnici Jasmini Slatina Sućeska.



PROLJETNI KROS

U srijedu, 18.04.2018. godine održan je Proljetni kros osnovnih škola Kantona Sarajevo na Ilidži u organizaciji Ministarstva za obrazovanje nauku i mlade Kantona Sarajevo, a u tehničkoj organizaciji Atletskog kluba Sarajevo i Kantonalnog Atletskog Saveza.

Učenik Hrelja Samir osvojio je 3. mjesto.

Čestitke učeniku i nastavnici Jasmini Slatina Sućeska.



SARAJEVO STREET FOOTBALL 2018

U nedjelju, 13.05.2018. godine u organizaciji dječije sportske škole "Proacademia" i marketing agencije B40 „Sarajevo Street Football 2018“, odigrani su polufinalni i finalni mečevi sedmog turnira u malom fudbalu/nogometu za osnovce.

Timovi su bili podijeljeni su u 3 konkurencije:

do 5. razreda, do 7. razreda i do 9. razreda osnovne škole.

U konkurenciji do 9. razreda u polufinalu za 3. mjesto:

O.Š. UMIHANA ČUVIDINA pobijedila je 7:1. O.Š. HRASNO

Cilj projekta je uključivanje što više djece u sportske aktivnosti.

Na turniru i ove godine učestvuje više od 600 djece, iz 28 osnovnih škola.



Volimo pozorište

„LAKONOGA U ČAROBNOJ ŠUMI“

U četvrtak, 3.5.2018. godine učenici trećeg razreda, zajedno sa svojim učiteljima, uživali su u izvedbi muzičke basne „Lakonoga u čarobnoj šumi“ u multimedijalnoj sali Općine Novi Grad, koja se održala u sklopu takmičarskog programa 4. FESTIVALA DJEČIJE UMJETNOSTI.

Predstava „Lakonoga u čarobnoj šumi“ je lijepa priča o prijateljstvu. Lakonoga je svako malo, naivno, radoznalo dijete. Svako dijete se može identificirati s njom.

Najvažnija poruka nosi predstava je o značaju prijateljstva. Kroz cijeli životni put imamo prave prijatelje. To su vrijednosti koje učimo djecu od malih nogu. Naravno i skrećemo im pažnju na probleme, da djecu ne smijemo puštati same među nepoznate osobe.



Takmičenja 3

KANTONALNO TAKMIČENJE

Naša škola se 08.05.2018. predstavila, sa sekcijom HOR I ORKESTAR U BKC –u, na Kantonalnom takmičenju, pod imenom „Smotra kulturnog stvaralaštva u KS“. Pjevali smo pjesmu „Ne dam te nikom“, autora nastavnice Indire Košarić, zajedno sa 150 učenika iz osnovnih škola opštine Novi grad. A nastavnica Melisa Salihović-Ibrahimbegović je dirigovala svoju pjesmu „Sarajevo“, horu i orkestru, od preko 150 članova, iz škola opštine Novo Sarajevo.

Takmičenje je obuhvatilo kategorije: autori pjesama, aranžmani i interpretacija pjesama.

Zauzeli smo 1. mjesto, sa obje pjesme. Jako smo ponosni što smo dostojno predstavili našu školu!

Nagrade su dobili i autori aranžmana pjesama.

Učenici su se lijepo družili, pjevali, svirali i slušali originalne pjesme autora-nastavnika, iz opština Ilidža, Vogošća, Ilijaš, Novo Sarajevo i Novi grad. Ova smotra protekla je u jako pozitivnoj atmosferi, drugačije koncipiranoj, sa velikim brojem učesnika. Svaki hor je okupljao sve škole iz određene opštine.



DAN PORODICE

Povodom Dana porodice, učenici II razreda, nastavnici i roditelji realizovali su radionice na temu „Moja porodica“.




„Porodica je tamo gdje život počinje i ljubav nikad ne završava.“



Povodom Dana porodice, učenici IV razreda, nastavnici i roditelji posjetili su SC „Safet Zajko“ Halilovići.

Umjetnost u slici i riječi



Hot Rijalda IX-5



Čerkez Nejla IX-2



Kadrić Ena IX - 2

Sunce nad Drinom

Drina. Preljepa rijeka koja protiče kroz Istočnu Bosnu. Rijeka koja je svojom ljepotom očarala mnoge prolaznike, ljepotica koja razdvaja Istočno i Zapadno rimsko carstvo. Na kojoj je sagrađen most koji dobije ime po Mehmed-paši. Most koji će pamtiti po mnogim historijskim događajima. Ivo Andrić je u svojim romanima pokazao i povijest cjelokupnog podneblja i mnoge značajne događaje povezane s mostom. Mnoge su majke suze isplakale po njegovim hladnim kamenitim stjenama. Drina je krvlju potopljena... Hiljade krvavih suza tekle su njenim kanjonom Sunce iznad Drine kao da ne sija istom jačinom kao nekad. Neki tamni oblaci skrivaju njegov sjaj. Tužne uspomene nadvile se nad vedrim licima jer Drina pamti, pamti i šuti. Samo tiho jeca kao da plače za svakim onim pogubljenim tijelom koje je Drina uzela sebi, za svakom kap krvi koja se stapala sa hladnom drinskom vodom. Jezivi krici i sad se čuju kanjonom Drine. Jauči i plač odjekuju i razliježu se kao da hoće da svojom jačinom otjeraju zle duhove koji su se nadvili nad Drinom, kao da žele da otjeraju crne oblake. Da sunce zagrije svojom jačinom. Da se nikad više ne ponovi historijsku koju samo Drina zna. Da nikad više ni jedna majka ne zaplače. Da se više nikad ne prolije ni jedna kap krvi. Da ruže budu te koje će ploviti rijekom. Ploviti i iza sebe ostavljati mir. Jer, zašto je krvarila Drina? Zar da se mrzimo, a skupa živimo. Zar da Sunce nad Drinom nikad ne sija, zar vječno u tami da Drina počiva.

Amina Kukuljac VII-3

Moj dedo

Mnogo volim svoga djeda,
kao medo slatkog meda.

Igračke on meni nosi
i nježno miluje po kosi.

Moj je dedo meni drag,
jer je njegov osmijeh blag.

Nikad mene on ne ruži,
voli samo da se druži.

Eto zato dedu trebam,
nikom ja njega ne dam!

Lajla Mudžet II 3

Grbo Amina VII-4



UČIM, ZNAM I VRIJEDIM

Ponos OŠ „Umihana Čuvidina“

Potvrdu da su učenje, trud i zalaganje i dalje od vrijednosti - dobili su učenici:

Tinjak Adla (3. mjesto – matematika VII razred),
Herac Nejla (2. mjesto – matematika VII razred),
Smječanin Asja (1. mjesto – matematika VII razred),
Fehrić Mirnes (2. mjesto – matematika VIII razred)
i Kurtović Sara (3. mjesto – geografija IX razred).

Plasman VII razreda iz matematike možda ne bi bio moguć da nije bilo višegodišnjeg truda i rada kako njihovih učiteljica, tako i truda i rada samih učenica.



To su najuspješniji učenici koji su u proteklom periodu na općinskom takmičenju pokazali izuzetne rezultate.

Osim toga, učenik Fehrić Mirnes (2. mjesto – matematika VIII razred) je pokazao izuzetno znanje i na 23. Federalnom takmičenju učenika osnovnih škola iz matematike koje je održano u Gradačcu.

**Budućnost jedne nacije zavisi od
njezinih mladih generacija.**



Smijeh je lijek



Kaže mama Perici:

"Sine hajde malo uči, ostavi taj telefon."

Perica odgovara:

"Ali, mama znam sve"

Mama ga upita:

"Kako se zove kula u Parizu? "

Perica:

" Ajfonova kula"



_Učiteljica Pita Pericu:

- "Perice reci dvije zamjenice"

Perica:

- Ko,Ja?

Uciteljica:

- Napokon tačan odgovor i od tebe.



Kako se zove kostur koji nosi kožnu jaknu?

-?

-Kost i koža.



Nasmiješi se, dan bez osmijeha je izgubljen dan :D

Zanimljivosti o životinjama

1. Morske vidre ponekad ubijaju i nakon toga siluju baby tuljane u blizini obale Kalifornije. Koliko god se ovo bizarno moglo činiti, ovakvo ponašanje se ne razlikuje od standardnog parenja vidri u kojem mužjaci doslovno siluju ženke koje se opiru i koje često izgube život u procesu.
2. U prosjeku, morski psi ubiju 5 – 10, a krave oko 100 ljudi svake godine. 67% ljudi preživi napad Velike bijele ajkule.
3. Tigar je najveća vrsta mačke. Oni mogu biti dugački i do 3,3 metra, te teški i do 300 kg.
4. Prije se vjerovalo da su zebre bijele, s crnim prugama (jer neke zebre imaju bijel stomak). Embriološki dokazi ipak pokazuju da su zebre crne, sa bijelim prugama i bijelim stomakom.
5. Plavi kit, najveća životinja na svijetu, je težak kao 2.667 ljudi (prosječna težina čovjeka: 70kg), te dugačak kao košarkaški teren.
6. Sivi Soko (*Falco peregrinus*) je najbrža ptica, Crni marlin (*Makaira indica*) najbrža riba, a Gepard (*Acinonyx jubatus*) najbrža kopnena životinja na svijetu.
7. Morska osa (*Chironex fleckeri*) je jako otrovna vrsta meduza koje žive u morskim područjima sjeverne Australije. U samo jednoj morskoj osi nalazi se dovoljno otrova da ubije 30 odraslih ljudi.
8. Darwinov pauk može isplesti jednu od najvećih – i najsnažniju mrežu na svijetu. Ovi pauci proizvode najjači biološki materijal – 10 puta jači od kevlar, materijala od kojeg se prave pancirne veste!
9. Kakapo (*Strigops habroptila*) je jedinstvena vrsta papagaja: jedini je papagaj na svijetu koji ne može letjeti, najteži papagaj, noćni, biljojed je, mužjak brine o mladuncima – a također su i najglasnije ptice na svijetu.
10. Na svijetu postoji oko 1100 vrsta šišmiša, a gotovo svi imaju funkcionalne oči, doduše ne tako razvijene kao oči drugih noćnih životinja – ali ipak funkcionalne.
11. Komodski zmaj, Komodski varan ili Komodo zmaj (*Varanus komodoensis*) je najveći živi gušter na svijetu, a najveći primjerak ikad izmjeran bio je dugačak 3,13 metara i težak čak 166 kg.
12. Do sada je dokumentovano da *Thaumoctopus mimicus* hobotnica (mimic octopus) može imitirati čak 15 različitih životinja (oblika).
13. Studija provedena na Sveučilištu u Minnesoti otkrila je da vlasnici mačke imaju između 30 i 40 posto manje šanse da umru od kardiovaskularnih bolesti. Prema studiji, vlasnici pasa nemaju ove pogodnosti.
14. Crna Mamba (*Dendroaspis polylepis*) je najbrža šumska zmija na svijetu (16–20 km/h). Ugriz Crne mambe je gotovo uvijek smrtonosan, a u poređenju sa ostalim zmijama, njihov otrov djeluje najbrže.

Razvoj novinarstva i književnosti u Sarajevu

- Prva štamparija u Bosni i Hercegovini je nastala u Sarajevu 1866.godine bila je privatna. Nakon nekoliko mjeseci uspješnog rada, štampariju otkupi tadašnja osmanlijska vlada i pretvori je u vilajetsku štampariju. Iste te godine, vlada započne sa izdavanjem službenog lista „Bosna“ na turskom i hrvatskom jeziku.
- Krajem 1866. godine u Sarajevu se pojavi i prvi nezavisni politički sedmični list „Bosanski Vjesnik“ pod uredništvom ugarskog podanika Soprona, koji je izlazio jedva godinu dana. Godine 1869. Šaćir efendija odluči objaviti službeni politički list „Gjulšeni Saraj“ (Sarajevski Cvjetnik) na turskom i hrvatskom jeziku. Nakon smrti Šaćir efendije 1872. godine, list prestaje sa štampom. Od drugih književnih dostignuća iz tog perioda, vrijedo jespomenuti još nekoliko turskih salnama (kalendar), nekoliko ćirilčnih bukvara, nekoliko pjesama i jednu hrvatsko-tursku gramatiku.
- Dolaskom austro-ugarske monarhije u BiH formira se novi službeni list „Bosansko- Hercegovačke novine“ koje su se objavljivale i na latinici i na ćirilici. Godine 1881. promijenjen je naziv ovog lista „Sarajevski List“. Uporedo sa razvojem domaćih listova, razvijali su se i listovi na njemačkom jeziku.
- U aprilu 1895. godine počinje se objavljivati prvi ćirilčni politički sedmični list „Prosveta“ koji je imao za cilj promociju interesa pravoslavnog stanovništva u Sarajevu. Tri godine kasnije, ovaj list se prestaje štampati. Godine 1881. u Sarajevu počinje štampa i političkog lista na turskom jeziku i pismu naziva „Vatan“. Nešto kasnije 1891. godine izlazi i prvi politički list „Bošnjak“, štampan latinicom, koji se zalagao za promociju interesa muslimanskog stanovništva Sarajeva.
- Veći književni pokret pokrenut je 1882. godine sa otvaranjem većeg broja štamparija i knjižara na prostoru u Sarajevu i šire. Najprije se osnovalo nekoliko crvenih listova zatim beletristični list „Bosanska vila“, a poseban značaj je imao osnivanje „Glasnika zemaljskog muzeja „ u Sarajevu. Jedini od najvećih začetnika književnosti BiH ovog doba bili su : Mehmed beg Kapetanović, Osman Mazhar paša Čengić, Safvet Mirza beg Bašagić, Riza beg Kapetanović, Osman Hadžić i drugi.

